



《續修四庫全書》編纂委員會編

續修四庫全書

上海古籍出版社

六六四・史部・地理類

〔光緒〕湖南通志二百八十八卷首八卷末十九卷（卷一百四至卷一百五十二）〔清〕卞寶第

李瀚章等修 曾國荃 郭嵩燾等纂

21152/94

〔光緒〕湖南通志四

〔清〕

卞寶第
李瀚章

等修

曾國荃
郭嵩燾

等纂

據商務印書館一九三四年影印
清光緒十一年刻本影印原書版
框高二〇六毫米寬二八〇毫米

湖南通志名宦目錄

國朝二

任紹煊	蘇佳嗣	張奇勳	劉道著	柯弼
梁碧海	王組	宋吉金	王勤民	蘇之升
李遇時	張信	許玠	胡向華	王許
劉應中	李慶祖	戴廷對	祖光珮	趙寬
趙甯	劉作霖	陶錕	韓德鴻	宋燦
金星賁	唐宗堯	徐關保	張萬言	董昭祚
李鍾麟	黃澍	蔣嘉猷	王駿	白美玉
余啟騰	趙世晉	高鐸	解鎔	王仕雲
王興禹	王孫麟	范廷謀	閻璋	張聖宏
朱士華	徐升貞	陳廷弼	石為璩	黃炎
袁繼善	董之輔	洪承龍	王秉中	伍士琪
蔡鵬	朱前詒	劉榮	王克莊	滕天御
梁任	孫謙	唐懋清	羅士修	侯樸
周鴻韜	蔣擢	王培生	李楷	李長允
王光世	陳九疇	蔣晟	林紹祖	趙光耀
張軻	張彭	姜修仁	章烜	權持世
王錢昌	陳嘉猷	徐碣	江闓	江成
王國梁	羅綸	李玠	吳光豫	余三奇

陳溥	王丕振	趙尺璧	單務源	宜思恭
趙國宣	李士芳	王鸞紳	姚克欽	張廷相
高濤	張壽崗	李長祚	葛亮臣	韓稷
陳黃永	周元良	陳常	劉宗沛	張應星
顧奕芬	邱如升	俞日都	徐甫源	王元臣
張垚	張瑤	李如湧	劉宇浩	葛匡世
朱爾介	伊起莘	陳宗泰	陳雲翀	郎廷模
梁綸	張大成	何應魁	吳大鎔	蕭雲鳳
李應期	李繼熹	顧昌祚	楊召春	李植
鍾運泰	楊景初	謝廷詔	蔣其昌	張起鵬
王省	陳啟元	李架	李湘	甯誥
王國玉	張麟生	陳琪	彭開祐	崔綺
李天秩	柴廷望	浦龍淵	蔣遵國	王謙
陳時臨	傅澤浩	趙士珩	王國英	許國璠
楊世芳	潘大臺	楊敬儒	劉章澄	張向科
田雲翼	王國祐	李為觀	勞啟銑	汪糾
萬蕭裕	于文燦	郭連城	鍾靈秀	顧智
范成龍	朱永輝	李昌齡	潘在公	郎廷棟
茅國祚	王光夔	翁煌	余繩武	潘肩
張扶翼	史在鑛	陳五典	黃志璋	王時泰

陳輝璧	王典	潘宏澍	蔣宗芝	楊茂
耿念劬	劉士鐸	申奇采	謝乃賓	鹿賓
劉光秀	王志援	田國輔	李世仁	李欽
何喬雲	閻士魁	伊子先	吳祥生	曾興隆
宋謙	羅才徵	王之佐	王基羣	臧得智
張霖	許渭	劉繼聖	馬世驥	祖秉珪
趙璉美	張聲遠	尹秦	湯學尹	陳祥祚
何量	腰含英	張銓	羅遜	金守起
郭四奇	倪一奇	曹翰京	金應運	胡之太
陳際鼎	彭參齡	李中素	嚴一心	藍應象
徐祝年	黃鐘	李嗣善	江珩生	王大經
鄭文先	徐尊顯	黃師憲	吳宏初	黃士珩
王康	劉同向	谷且如	李密	張世任
魏運昌	王相	孫枝喬	文運古	魯應祥
向兆麟	張佳晨	蔡瑞	程之澍	萬閔中
劉帶蕙	陳襄	衛良佐		

湖南通志卷一百四

名宦志十三

國朝二案熊學能舊職官志知長沙縣在雍正五年名宦志傳誤列康熙朝今改正

任紹燠河津人康熙初隨大軍南征調知長沙縣踰年以軍功超擢長沙知府時滿漢兵十餘萬駐城中紹燠寬平靜鎮事集而民不擾舊志

蘇佳嗣奉天人康熙中知長沙府值吳逆甫平道里多阻佳嗣於府屬增設塘汛飭兵役以時巡緝行旅賴之善化縣志

張奇勳榮陽人康熙中知衡州府捐建石鼓學舍聚士之秀者親課其中衡屬累荒糧奇勳力請蠲免卒於任士民咸悲悼焉舊志

劉道哲奉天人康熙中知永州府嚴重持大體屬邑皆兢奉法積案一清重修府志網羅散佚及解組行李蕭然舊志

柯弼襄平人康熙中知永州府下車首修學宮雕椽瓦必躬親部署城中郭外竝建義學復捐俸爲膏火一時成就甚眾舊志

梁碧海蘭陽人康熙中由戶部郎中出知寶慶府值歲饑與邵陽知縣張起鵬講求荒政分給牛種修郡縣學輯郡志方以卓異薦俄丁艱去士民罷市泣送爲立遺愛碑舊志

王組睢州人康熙中知寶慶府以清介率屬安戢民苗變而能濟以威去後民祠祀之湖南通志

宋吉金商邱人康熙中任辰州府通判攝醴陵縣事縣學有朱子亭久廢吉金重修之復訪求遺像及朱子自贊刻石亭中尋擢知寶慶府立課功報最格撫馭苗獫益著威信志舊
王勤民直隸人康熙初知岳州府以廉靜爲治督學按岳勸民爲提調屏絕弊竇凡法所不便悉爲請命士林戴之志舊
蘇之升休甯人康熙中知岳州府清釐各屬積逋訟至諭以大義人咸感悟值吳逆亂後文教不振乃觀風舉課日集諸生講學雖位他中猶舉行之人稱儒吏縣志
李遇時遼陽人康熙中知岳州府重修岳陽樓平江積逋無算召士民曉以大義懲奸胥包攬者人盡樂輸賦以大集志舊
張信潯陽人康熙中知岳州府置義學勸修炎帝廟渚已愛民尋擢陝西道縣志
許玠奉天人康熙中知岳州府修學校增鑿北濠數年中案無兩牘縣志
胡向華兩當人康熙初知常德府郡承明季亂後諸多廢墜向華首建明倫堂飭修所屬學校招集流徙使復業已乃治公署增築城樓及沅江堤院勦造之功向華居最府志
王許達溪人康熙中知常德府歲早露禱及饑加意賑卹值提督出撫苗郡城倉卒兵譟許夜坐臨沅門大呼曰朝廷負若邪大帥負若邪百姓負若邪知府與民一體若欲復

民知府願當之辭氣慷慨諫者悉解散事後祇誅首亂者平時課農興學周飢寒茹蔬飲水一以民事爲急府志
劉應中井陘人康熙十九年隨大將軍蔡毓榮征吳三桂克辰龍關遂知辰州府拊循黎庶還集流亡增造養子洞鐵索以挽行舟尋有紅苗之警檄攝辰沅永靖道僉事安集三十餘營應中廉介有守爲政條理秩然辰人至今德之一統志
李慶祖奉天人康熙中知辰州府繼前守劉應中之治表貞除昇革驛遞派累率師儒月勤課士豐其飲饌親爲甲乙四載政聲卓然卒於官民爲建專祠以祀府志
戴廷對中江人康熙初知沅州有善政去之日沅人刊芷水遐思錄頌之府志
祖光佩奉天人康熙中知沅州凡編審丈糧諸政悉本至公沅人至有青天之稱三膺卓薦深爲上官所器府志
趙寬漢軍正白旗人康熙中知沅州捐俸遷學視舊加壯麗龍津橋屢圯於水寬營築完固沅人德之卽橋西祀焉府志
趙甯山陰人康熙中任長沙府同知聽斷明允郡中大獄多委讞決民隱不能上達者爲力申大府得可乃已尤以文雅飾吏治召致諸名儒肄業嶽麓書院每於霜天白菊時開閣雅集或以夜渡江尊酒論文忘其身之爲吏手輯嶽麓志備名山掌故建嶽麓

御書樓點綴諸亭榭在官四年清白一節擢松江知府士民誦思之府志

劉作霖武清人康熙初任永州同知除奸去蠹毅然不可犯性儉素衣無重錦食不兼味攝州縣事俱以清惠聞府志

陶錕會稽人康熙中任永州同知時吳逆甫平錕撫綏流離務行寬大之政大獄多所平反無有失入者府志

韓德鴻歸安人康熙中任衡州府同知攝知安仁縣招撫流亡詳請豁免荒賦民始樂業尋擢知郴州舊志

宋燦萊蕪人康熙初任寶慶府同知以清介聞大吏檄催長沙衡永開通賦民無苛斂之苦會大軍勦西山流寇與通判白美玉運餉軍中并以勞著府志

金星賁休甯人康熙中任寶慶府同知善文章勤吐握聽訟不以鉤距得情後擢知濟南府府志邵陽車以

唐宗堯漢軍鑲黃旗人康熙中任寶慶府同知在郡四年多善政擢知韶州府去郡人立碑以志去思題曰清廉惠介郡司馬

唐公道愛碑在郡東府志

徐關保漢軍鑲白旗人康熙中任寶慶府同知在郡十餘年悉知郡中利弊力言於守令興革之建貞節祠廣祀貞節婦女之

未及闔揚者去後士民思之府志

賈訟至諭以理使自悔悟公廉率屬僚吏無不憚之巴陵志

董昭祚奉天人康熙中任岳州府同知敏於吏事讞決平允以迴避去任吏民焚香遮道送之巴陵志

李鍾麟武定人康熙中任岳州府同知攝知巴陵縣值武昌夏逆之變郡民大恐鍾麟激以大義嬰城固守及官軍東征戒舟航備芻糧肆應裕如以遷秩去人皆思慕巴陵志

黃樹大興人康熙中任鳳凰廳通判時有清丈之役樹躬履阡陌度其肥磽援前明萬厯開科則每畝科糧一升賦四釐一毫民以為便遷辰州府同知以虎谿書院隘陋捐俸拓之遠近爭來肄業辰州志

蕭嘉猷武進人康熙中任乾州廳同知撫凋瘵課耕桑招來勸導加意學校深得民心辰州志

王駿蕭山人康熙中任長沙府通判舊里甲兒漕例輸通判陋規駿至悉卻之後歷署邵陽知縣寶慶知府并以清節著善化志

白美玉鐵嶺衛人康熙初任寶慶府通判以清潔著禁革徵收糧米陋規故事通判不理詞訟上官以案牘付獻號曰調劑例有饋獻美玉承獻之獄杜絕賄託人尤賢之後擢柳州同知去士民泣送數十里府志

余啟騰上虞人康熙中任寶慶府通判捐置義塾東門外會署

知新甯縣復購地城東南為義塾去後郡人建祠城東祀之
趙世晉奉天人康熙中任岳州府通判上官奇其才歷攝茶陵
平江龍陽諸縣事所至多惠政巴陵縣志
高鐸奉天人康熙中授常德府通判在任七年監修南嶽廟及
督視武陵龍陽大園隄工皆以勤練著稱調知靖州以通判任
內望誤應鑄級巡撫趙申喬特疏薦之得免議趙公實政錄
解鐸天津人康熙中任辰州府通判攝知澧浦縣民有被誣為
叛者鐸力白其冤民德之為立生祠鐸固辭弗獲已乃更之為
書院府志
王仕雲欽縣人康熙五年任衡州府推官時流民通賦皆坐見
戶輸官連引逮繫仕雲皆釋之作奸者杖而械諸市中懸鉗於
門訴冤者擊之懲勢官家僕之尤橫者以裁缺去職民泣送之
境外一統志
王興禹遼東人康熙初任常德府推官奉檄運西山糧優恤夫
役疾病者施以藥餌捐俸置義冢清介不名一錢累遷浙江副
使士民建生祠迎春門外祀之府志
王孫麟臨潼人康熙初任辰州府推官承順保靖土司相仇殺
屢諭莫能解上官屬孫麟至其地平曲直曉以大義俱帖服嘗
攝常德推官釋冤繫者數十人兩郡之民皆德之府志
范廷謀鄞縣人康熙中知郴州修學校建濂溪祠捐置義冢偶

城南火禱之反風而滅雖苗裔莫不傳頌志
閻璋廣甯人康熙中知靖州革重耗劾義學勸課農桑土寇吳
旦先犯境璋身先陷陣寇遁去追擊之一統
張聖宏奉天人康熙初知澧州年甫及冠下車即訪文行之士
講求吏治進父老咨農田水利澧人編蘭浦仁聲頌之並建懷
德書院以祀舊志
朱士華奉天人康熙中知澧州清里派革羨錢汰冗役繕城築
隄簡息刑訟以艱去任民思慕勿衰舊志
徐升貞海鹽人康熙中知澧州減徭汰陋舉廢興學澧人懷之
志
陳廷弼澤州人康熙中知臨湘縣凡有建置皆斥俸為之遷知
澧州澧連糧苦包賠廷弼置區正及弓算書手設分區打塊法
不履畝而秋毫無隱包賠盡豁歲捐耗振貧有餘則以資書院
膏火澧人為立祠置祭田祀之舊志
石為壩如皋人康熙中知澧州常親行田間見民植桑桑沃
茂者必予獎勞州舊無考棚為壩建議捐置士林稱便舊志
黃炎海州人康熙中知澧州年甫二十餘手造田里鱗冊吏不
敢為奸州訟牘林立炎立程限期在必結日不足則繼以夜兩
月後訟為衰息舊志
袁繼善餘姚人康熙中知桂陽州值偏災賑恤盡力修學田

調劑鹽引皆毅然爲之期於經久志

董之輔奉天人康熙中知桂陽州新學校修置祭器州城居民

寥落之輔招集流亡貸以築室資不數月市井鱗次俗多弱女

下令嚴禁州民婦爲妖憑能言人隱私事之輔牒城隍神妖不

復作蜚言苗稼設蜡神以禱螟滅因立八蜡廟歲時祀之趙

洪承龍晉江人康熙中知桂陽州以清節著建義學教州人子

弟多所成立以卓異入爲戶部山西司員外郎州志

王秉中奉天人康熙中知桂陽州州舊苦乏穀秉中始建義倉

儲備充足又營葺宮廡出已俸爲之去後以廉能見思州志

伍士琪阿迷州人康熙中知平江縣縣多逋賦士琪不逋迨比

與之期期至而賦不供召問之皆辭以故又與之期民感愧多

輸者既又許民布穀雜物皆得估值充賦官爲變價或贏至分

釐以上悉還之民益悅賦太集民有牒訴即時剖理曲直仍委

曲贊喻俟兩造意解然後退縣歲漕幾三萬石士琪度汨水之

涯高原爽塏漕運所由上下勅置官庾久之商販集聚寢以成

市號曰伍公市以巡撫趙申喬薦擢知桂陽州州素食粵鹽擔

負踰嶺價常數倍士琪請於申喬濬河自桂陽直達連州鹽得

水運價頓減商民利賴在任八年以憂去終戶部浙江司員外

郎一統志 湖廣通志 桂陽州志

蔡鵬江陰人康熙中吳三桂叛鵬入平寇大將軍幕參贊機務

設奇屢中敗賊江西決策進攻長沙時賊帥馬寶倚湘林興

珠爲援嬰城固守鵬與十三戰皆捷又遣譚誘降興珠諸賊聞

風解散寶亦潰圍遁遂授知長沙縣湖南久爲賊踞鵬撫綏招

徠給運負給牛種始至戶不滿百期年得五百戶舊志

朱前詒無爲州人康熙中知長沙縣均賦役勸農桑新學校百

廢具舉一統志

劉榮諸城人康熙中知長沙縣時城中譌傳將裁兵撫標兵大

譟聚謂巡撫出卽令赴縣倉預支三月糧示必無裁意眾乃帖

然聽斷明敏大府有疑獄必咨之暇卽至義學與諸生論文嚴

立課程親爲甲乙歷官四川布政使子統勳孫墉並官大學士

舊志

王克莊宛平人康熙中知長沙縣儀表修偉對胥吏若神明而

撫民以寬接士大夫以禮時巡撫趙申喬御屬嚴毅見者皆震

暫克莊獨蹇謬不少屈縣學舊在郭北力謀遷建歷官湖北布

政使舊志

滕天御奉天人康熙中知善化縣縣經逆踞衙舍傾圮前令皆

寓民居天御捐俸重建並修葺學宮不以工役累民舊志

梁任順德人康熙中知善化縣湖南之田自明萬歷間增築新

隄湖湧逆流田不可耕任悉爲清釐豁除浮賦時差徭煩重值

有使者調衡道湘江索絳夫甚夥任亦易服雜羣夫中負絳至

黑石頭使者坐舟中望任非常人詢之大驚召入舟因述民困

一統志

狀使者感愧還薦之擢禮科給事

縣志

孫謙高阜人康熙中知善化縣邑經兵燹後民鮮知孝友朔望

集民講解律令力為開導風俗漸厚又以邑志淪散聘紳士纂

輯之善化縣志

唐懋清高澗舉人康熙初知湘陰縣先是縣城一月數火懋清

禱於神引咎自責乃不復火城西北距山常患虎為文告城隍

神驅之虎遂絕人比之漢劉昆在任十二年葺城建學新縣署

立義學凡祠廟橋梁多所興建擢工部都水司主事

羅士修宿松人康熙中知湘陰縣嘗署聯於門以暮夜金為誓

歷署劇邑俱有聲

侯樸河南人康熙初知瀏陽縣縣疲於兵役樸為條列其不便

皆得請民甚德之

周鴻翰丹徒人康熙中知瀏陽縣縣陷賊久始收復官軍執縣

民之陷賊者俘以獻將盡戮其家鴻翰潛白之大府事乃解所

全活千餘家會歲饑鴻翰設法賑濟民賴以甦

王培生寶豐人康熙中知瀏陽縣首條瀏邑四苦為民請命每

當春耕單騎巡行郊野勞苦如家人重建楊時歐陽元祠歲時

合祀行取擢戶部主事

李楷屯畱人康熙初知醴陵縣訟至數語理遣率叩頭伏無帶

獄亦無寃民自奉極菲敝帷疏食處之晏如以積勞卒於任

李長允大興人康熙中權知醴陵縣催科以時繩胥諷以威政

倚和緩而迄無廢事在官甫半年去之日父老多泣下者

王光世奉天人康熙中知醴陵縣獨除雜派遇大差孔務躬自

部署不以病民為立碑紀其政

陳九疇奉天人康熙中知醴陵縣仁慈廉公捐建義學購田以

資膏火及秩祀各廟供奉費惠澤在人

蔣景侯官人康熙中知醴陵縣重修學宮鼎建超然書院先是

江西解餉取道醴陵多需運夫屢詳請改道民德之

林紹祖漳浦人康熙中知醴陵縣縣有疑獄屢諭未決紹祖先

微行鄉邑悉得其狀及蒞任一訊具服人訟神明吏部主事

趙光耀邠縣人康熙中知湘潭縣修學建祠復優免均賦役立

自封投匭法簿書少暇輒課士論文嘗單騎入隱山祭先儒胡

安國墓過碧泉訪前令高應楨遺蹟人稱風流邑宰

張輻榮河人康熙中知湘潭縣時縣始恢復土馬雲集輻至收

賊餘糧以供軍食兵民無擾尋被議去人皆惜之

張彭沁水人康熙中知湘潭縣時吳逆初定彭下車招集流亡

勞來商賈地方秩然改觀舊例驛馬實里長青靛行輪養彭以

既支官項何累民為請於上勒石永禁民歡呼載道

美修仁三原人康熙中知湘潭縣訟無難易數言立決雖巧偽者皆惛服嘗自題署楹云一腔正氣非時尚兩袖清風只自知其風操可想舊志

章烜宛平人康熙中知湘潭縣學宮卑陋烜廣崇之新城東萬樓易名文起自是人文益盛舊志

權持世三原人康熙初知南鄉縣舊徵比無常期糧多飛洒而里長收頭復巧持其利民坐困僅持世一洗積弊鄰邑士民皆請其法行之舊志

王錢昌蒲坂人康熙中知南鄉縣約已愛民歲歉捐賑全活甚眾舊志

陳嘉猷溧陽人康熙中知南鄉縣愛民重士以行取擢御史舊志

徐錫安義人康熙中知益陽縣奉檄招撫逆藩吳三桂被害事聞贈僉事予祭葬江西通志 集舊志及益陽縣志並無錫名桂叛於十二年死於十七年賜知益陽當以前十七年

江閔貴陽舉人康熙中知益陽縣時吳逆初平瘡痍未復閔勞心撫字修城建學民不知役以卓異擢知均州縣志

江成即墨人康熙中知益陽縣修治建學地丁令小戶得納錢奉文墾荒力請照下則科賦民便之舊志

王國梁磁陽人康熙中知湘鄉縣置義學田均糧編甲徵收聽自封投賈民免里役之擾舊志 按縣志梁作棟

羅綸廣甯人康熙中知湘鄉縣廉明剛斷豪猾畏之縣以稱治舊志

李玠同州人康熙中知湘鄉縣清漏冊減浮派均區編里巡撫下其治以為各屬法值旱災發粟賑飢全活甚眾舊志

吳光豫奉天人康熙中知攸縣縣疲於軍需光豫緩征簡訟屢請蠲復與民休息舊志

余三奇奉天人康熙中知攸縣縣賦役不均三奇倣明一條鞭法更定戶籍簡而易行至今便之舊志

陳溥天台人康熙中知攸縣勸建湘南書院於城北躬課諸生學藝士至今稱之縣志

王丕振陝西人康熙初知安化縣值勦西山寇轉輸如期復以時新學修志任無廢事舊志

趙尺璧臨縣人康熙中知安化縣下車除火耗陋規建書院義學置田以資膏火奉文丈量躬親履畝不假手胥吏遇旱蝗有禱輒應閭俗澆薄刊諭勸戒民翕然化之舊志

單務源蒲城人康熙中知安化縣在官最久簡靜如一日會用兵辰沅調撥船隻馬匹務源以縣貧力請於上官得免舊志

宜思恭奉天人康熙中知茶陵州奉文丈量力清欺隱盡除從前浮派修學置戍廢墜具舉秩滿去任州民為建堂繪像祀之舊志

趙國宣奉天人康熙中知茶陵州徵收嚴包攬革陋例修築西

北成樓肅清盜賊歲旱賑貸全活甚眾

舊志

李士芳順天人康熙中知茶陵州課諸生月以爲常在任獄無

重囚里無夜警州人祠祀之

州志

王鸞紳長垣人康熙初知衡陽縣縣有連荒賦七千餘石皆里

民代償鸞紳懇請於上官題免勸於勸課田疇闢而賦亦充至

今縣人德之一統

志

姚克欽夏縣人康熙中知衡陽縣縣方苦科派里甲復有軟擡

名目奸胥踰額浮徵以博長吏歡克欽歎曰民困如此吾不能

卻憲檄以甘譴吳尙忍因以爲利乎乃令民自輸納凡額外者

悉蠲之在任四年以內艱去民皆涕泣

舊志

張廷相漢軍鑲白旗人康熙中知衡陽縣縣舊編四十五里糧

責里長徭役以里名均之其弊至飛糧寡丁良懦逃死相望廷

相始因巡撫趙申喬法廢里編區民得自納稅不由甲長人皆

稱便

縣志

高清如皋人康熙中知衡陽縣糧自前令高其任浮派後三

次蠲減而民困未已清乃通詳院司以衡陽地瘠請以下下起

科得通減糧三千餘石而墾糧每石折徵銀一兩二錢輕於丈

報熟糧者六之二巡撫王樸以聞縣民稍紓

縣志

張壽尚陝西人康熙中知衡山縣性簡靜木皂蒲鞭以治喜吟

詠所至賦詩與邑人士相贈答視事三月連罷去人皆思慕

李長祚南豐人康熙中知衡山縣縣雜派浮於正供長祚至悉

罷之定爲廢甲編區法巡撫趙申喬稱善下其法於他縣劇盜

劫人財物執而斃諸杖如梟再盜頓息廣西苗叛提督林本

直往剿督兵過縣長祚薄備芻糗不科民粒粟因投書自劾本

直知其廉加禮焉令無許一役泊岸嘗署知安仁縣寶塔邨河

獲死屍傷重莫知凶手長祚詢有閭室他徙者湯姓也入其室

得木槌一驗之有血漬執至一訊具服人稱神明

縣志

葛亮臣商邱人康熙中知衡山縣縣自李長祚廢甲編區後令

經理未善祇以熟田著爲籍而荒戶之挂舊籍者幾十萬致有

家無寸土而輸糧倍富民者亮臣履畝清丈悉蠲除之捐俸築

城鼓龍隱港橋復開雲樓舊觀設義館一月兩課給飲食筆札

文風益振增童子試至千餘人

縣志

韓稷紹興人康熙中知安仁縣盡心民事以艱去任猶捐俸修

縣學賑卹饑民士民同聲頌之

舊志

陳黃永海甯人康熙中知安仁縣履畝均糧建城修學設縣庫

立常平義倉社倉兵燹之後民不知役卒民祀之所建潔愛亭

中

縣志

周元良漢軍正黃旗人康熙中知安仁縣時歲數饑元良勸農

省刑發倉穀寬輸賦民甚德之

縣志

陳常營山人康熙初知未陽縣以清慎著稱湖廣通志

劉宗浦蒲城人康熙中知未陽縣首革軍庫花紅及南漕陋規

分俸球荒聽斷如流案無留積舊志

張應星休甯人康熙中知未陽縣清查積欠力杜朋名詭載之

由民困爲蘇其他建學修城池厩舍橋梁有餘閒次第備舉縣志

顧奕芬長洲人康熙中知甯甯縣值大兵凱旋軍需旁午奕芬

悉心調度民賴不困歷歲科童子試所拔皆得人舊志

邱如升山陽人康熙中知甯甯縣減耗羨卻餽遺代輸窮民積

逋至自蠶其產以母老乞養邑人請留不得爲之罷市縣志

俞曰都會稽人康熙中知鄞縣民有逋賦曰都代償之政暇進

邑人士講學不倦以憂去民立祠祀之縣志

徐甫源會稽人康熙中知鄞縣縣里長多浮派業戶病之至倚

人認管甫源至首請於巡撫趙申喬悉革除之縣志按徐甫源人

王元臣江甯人康熙中知鄞縣縣多荒蕪元臣購茶竹桑麻桐

柏榛栗之屬教民種植每朔望單騎循鄉里課農事民皆悅之

張珪河南人康熙中知鄞縣減羨耗絕苞苴修學宮士民德之

記之前令俞曰都祠中縣志按張珪

張瑤河南人康熙中知鄞縣建烈山書院籌官田爲膏火不足

又益以己俸月兩課士士林德之縣志

李如勞高陽人康熙初知零陵縣明察善斷他邑疑獄皆委審

識縣附郭依山爲險好事者倡爲鑿池之舉道府檄下興作如

勞歎曰民力竭矣尙堪此重困乎力言於上得寢以內艱去任

邑民赴闕請留者數百人格於例不允縣志

劉宇浩金壇人康熙中知零陵縣奉檄丈田厯興減從吏役亦

計口授食民皆歡悅因以公費所省費城南望仙橋易名仙政

以志其德縣志

葛匡世崑山人康熙中知零陵縣革到任陋規微糧聽自封投

匱不取耗羨士民爲刊善政錄竝繪其遺像祀之縣志

朱爾介單縣人康熙中知零陵縣增築郡城建鎮永樓忠潔祠

事集而民不擾權江華縣事詳請設營要害以防六寨苗江華

人至今思之零陵縣志

伊起莘平陽人康熙初知祁陽縣縣里甲冊義學歲旱禱雨立

陳宗泰進賢人康熙中知祁陽縣廢甲編區省里役之擾民甚

便之縣志

陳雲紳錦縣人康熙中知東安縣時進勦吳逆大府廉其才軍

需皆委承辦雲紳措置裕如凱旋後修學宮建義學增築子城

有廢必舉縣志按府

郎廷模漢軍從龍世族康熙中知東安縣修志立學增倉廩名
曰籌餉堂於蘆洪市石期市浚步頭各建義倉餘濟獨切志府
梁綸真定人康熙中知東安縣盡除陋規捐俸修學勸建文昌
祠士風大振志縣

張大成奉天人康熙中知道州值歲大旱力請發帑賑濟州賦
向由里長徵解催頭各設行廢茲民得以漁利大成令民自輸
官爲解運民皆稱便志州

何應魁奉天人康熙中知道州有善政以錫級去任民思慕之
爲立石州治志

吳大銘遼陽人康熙中知道州建義學造浮梁整石橋鑄賞修
學帽源溪志實政多可紀志府

蕭雲鳳奉天人康熙中知道州熟諳利弊悉除不便卒於任州
人祀之元陽祠志

李應期孟津人康熙中知甯遠縣俗錢糧有本管有甲首凡
甲首之隸本管者多被侵蝕應期請一切禁革自是民免貽累

賦用大集志

李繼聚遼東人康熙末知永明縣時當逆藩平後士寇猶竊發
乃立義勇團練法期年寇漸息勇於求治晝判獄訟夜率壯卒

巡邏竟內肅清志府

顧昌祚上海人康熙中知江華縣廣西苗爲患惟徭能禦之前

令尅減歲賞遂不用命昌祚如額以給徭悅服悉力抗禦四境
帖然後以忤上官意左遷志江南

楊召春漢軍正白旗人康熙中知江華縣以除暴安良爲務徭
人執法召春按治之在任二載六寨帖然志舊

李植新都人康熙中知江華縣以寬厚爲政不事操切會水災
力籌賑卹民感其惠尋擢知道州有德政州人立碑紀之卒江

華人祀之名宦祠志縣按府志

鍾運泰錢塘人康熙中知新田縣勸農興學士民德之志舊

楊景初宣城人康熙中知新田縣一意利民以不事逢迎左遷
去人咸惋惜志按府志

謝廷詔惠來人康熙中知新田縣飭民風作士氣比歸士民送
者載道志湖廣

蔣其昌臨淮人康熙初知邵陽縣重農勸學興利剔弊民甚安
之時有暴卒夜入民舍戕七人其昌奉檄訊鞠幕客請稍緩之

曰某敢枉法以徇人耶立寘之法後擢泉州府同知志府

張起鵬承德人康熙中知邵陽縣調度軍需緩急有條理歲饑
爲粥於路全活無算以卓薦去任民爲立遺愛碑道光十五年

敕祀名宦祠志

王省長洲人康熙中知邵陽縣清糧增里設義塾四并五經館
號曰九館置學田三百餘畝士民德之志府

陳啟元汲縣人康熙中知邵陽縣修學宮勸義學平情聽訟民不忍欺祀名宦湖廣通志

李架廣西人康熙中知邵陽縣縣有妖爲祟巫覡不能治架爲

牒城隍神一夕遂絕郡議建考棚而艱於費架因明江川藩邸

以建民不勞而士便之嘗建義學於考棚之左乾隆中知府王

瑋改義學爲遺愛祠祀架其中府志

李湘山陰人康熙中知邵陽縣課農桑緩徭役端士習理民寬

仿前令王省陳啟元義學制更置十一館別增育士田士皆德

之府志無軌文集

甯誥潁川人康熙初知新化縣喜造士常集士試於庭督課之

謀建學宮以演變罷寶慶陷誥伴狂隱於衡山抑鬱卒府志

王國玉遼東人康熙中知新化縣時縣新復國玉拊循瘡痍有

惠政會纂邑志國玉出私俸成之府志

張麟生天津人康熙中知新化縣以廉潔稱儉約逾於寒素常

集諸生講明義理之學一時士習丕變府志

陳琪邵武人康熙中知新化縣值歲饑罷供應開廩賑民湖南

例食淮鹽新化僻遠鹽不至拱力請貯鹽長沙聽民轉販遂著

爲令縣有虎患琪焚燬於社虎爲出境一統志

彭開祐華亭人康熙中知武岡州歲饑市米爲粥以食餓者靖

州寇警訛言將犯州民惶懼爭攜老幼入城或逃竄山谷開祐

以靜鎮之卒無恐性廉介署中至無米炊乃遣其三子歸有百

室正飢常太息一官不飽又何妨之句其風操如此州志

崔錦沁源人康熙初知新甯縣折獄平允不事鉤校洞中隱微

尋常不苟嘖笑而誘掖士子片善不遺一統志

李天秩安陽人康熙中知新甯縣懲健訟革里甲雖諸務叢集

時處以簡靜民用不擾後擢知廣順州舊志

柴廷望南皮人康熙中知新甯縣以清潔著縣舊編七里廷望

至履畝勘田改編爲十里徭役以均去之日士民謳思輟有德

政詩一卷府志

浦龍淵無錫人康熙初知城步縣縣境苗徭雜處又值喪亂之

後龍淵與革彰瘴必信必果縣乃大治尋以艱去府志按舊

志改正

蔣遵國靈川人康熙中知城步縣請歸併清屯故額以蘇民困

尙苗不靖遵國禽治之境賴以安舊志

王謙永年人康熙中知城步縣苗楊應龍故馬寶神將也嘯

聚苗徭勢張甚黃羊山道士周大聖以妖術稱天師助之作亂

將以某日攻城步謙偵知之與典史徐士奇謀預調鄉兵伏山

谷開賊至伏盡起殲其眾尙蠻驚服府志

陳時臨鄞縣人康熙中知城步縣縣多苗患時臨曲意安輯苗

徭感之以父憂歸後擢兵部職方郎府志鄞縣全

祖望鮑亭集